

Июнь

19/1 Священномучеников Патрикия, епископа Прусского, и с ним трех пресвитеров: Акакия, Менандра и Полиена (ок.100).

№64 Тропарь, глас 4

Юмылан йөрүшө священномученик Патрикий, койыш-шоктышет дене апостол да нунын престолыштым кучышо лийынат, пашат дене ужмаш күкшытыш шуынат, сандене мутын чынжым раш увертарен, ұшанымаш верч вўр марте орланенат. Мемнан чоннам утарыже манын, Христос Юмым сөрвале.

Кондак, глас тойже

Пагалыме орланыше Патрикий, священствын порылыкшо дене волгалтын, пеленет индыралтше-влак дене пырля орланымашын вўржө дене сылнештынат, Христос ончылно шогымет годым мемнамат шарналте.

Величание

Тыйым моктена, священномученик Патрикий ачана, пеленет орланыше-влак дене пырля пырля моктена да пагален шарнена, вет те мемнан верч Христос Юмынам сөрваледа.

20/2 Мученика Фалалей (ок.284).

№57 Тропарь, глас 4

Господь, Тыйын орланышет Фалалей индыралтмыж верч Тый дечет, мемнан Юмына деч, курымышлык венецым налын: орландарыше-влакым Тыйын пуымо виет дене сўмырал шуэн да ия-влакын тептердыме ўчыштым шалатен. Тудын молитваже дене мемнан чоннам утаре.

Кондак, глас 3

Орланыше-влак дене пырля орланыше да чапын Кугыжажын тале сарзыже, кугу ушан Фалалей, тый саркуралым нумалше, лийынат, идоллан служитлыше-влакын кугешнымыштым чонетым тергымаш да орлык гоч сененат, сандене таче тыйым пагален шарнена.

Величание

Тыйым моктена, тыйым моктена, святой орланыше Фалалей, да Христос верч орланыметым пагален шарнена.

21/3 Владимирской иконы Божией Матери (празднство установлено в память спасения Москвы от нашествия крымского хана Махмет-Гирея в 1521 г.)

Тропарь, глас 4

Кучен Ашныше Ёдыр, чудым ыштыше Тыйын юмонатым эр ўжара гай вашлийын, чапле Москва ола таче волгыдын йывырта. Юмонат деке толын, Тыланет кумалына да тыге ойлена: Юмым Шочыктышо пеш чапле Ёдыр, Тый дечет шочшо Христос Юмым сөрвале, Чаманыше улмыж дене Тудо чыла христиан ола ден элым да тиде кундемымат осал тушман деч арален шогыжо да мемнан чоннам утарыже.

Кондак, глас 8

Юмым Шочыктышо Ёдыр, Тылат, чылам сенгыше Воеводылан, Тыйын пагалыме юмонатын толмыж дене мемнам шыгыр гыч утарыметлан таум ыштен,

Тыйым вашлийме пайремым волгыдын пайремлена да Тыланет тыге каласена:
о, Поро Яндар Ёдыр, йывырте.

№14 Величание

Тыйым моктена, Тыйым моктена, Юмын ойырен налме Эн Яндар Ёдыр, Тыйын святой тўсетым пагалена, вет тудын деке ўшанен толшо-влаклан Тый пареммашым пуэт.

По полиелеи припев:

Тыйым, Юмым Шочыктышо Авам, Херувим-шамыч дечат утла пагалышашым, Серафим-шамыч дечат тагастарыдыме чаплым, чынак мокташ кўлеш.

22/4 Мученика Василиска (ок.308).

№57 Тропарь, глас 4

Господь, Тыйын орланышет Василиск индыралтмыж верч Тый дечат, мемнан Юмына деч, курымашлык венецым налын: орландарыше-влакым Тыйын пуымо виет дене сўмырал шуэн да ия-влакын тептердыме ўчыштым шалатен. Тудын молитваже дене мемнан чоннам утаре.

Кондак, глас 8

Чот пагалыме Василиск, орланымаште тый пенгыде да лўддымё лийынат, чудо-влак дене ёрыктаренат, Христосын лўмжым кўшкё нёлтен, орландарыше-влакым вожылтаренат, сандене пагален ойлена: орланыше-влакын волгыдо порылыкышт, куане.

Величание

Тыйым моктена, тыйым моктена, святой орланыше Василиск, да Христос верч орланыметым пагален шарнена.

23/5 Преподобного Михаила исповедника, епископа Синадского (821).

№43 Тропарь, глас 4

Вашталташ лийдыме Чынлык тыйым шке кўтўэтлан ўшанымашын корныжым, ўнгышылыкын тўсшым да языкыш пурыде илаш туныктышым ыштен, сандене тый ўнгышылыккет дене – кўшнысым, йорлылыккет дене поянлыкым погенат. Святой Михаил ачана, мемнан чоннам утарыже манын, Христос Юмым сёрвале.

Кондак, глас 8

Чот пагалыме архиерей Михаил ачана, поро-койыш шоктышан священный орланыше, тый осал ен-влакын чарымышт деч лўдын отыл, нунын шояк туныктымыштым сенен, кугу йўкын каласенат: Христосын да Тудын Эн Яндар Аважын юмонажым пагалем, сандене тыйым моктена.

Величание

Тыйым моктена, тыйым моктена, святитель Михаил ачана, тыйым пагален шарнена, вет тый мемнан верч Христос Юмынам сёрвалет.

24/6 Преподобного Симеона столпника на Дивной горе (596).

№50 Тропарь, глас 1

Кўргыштет Юмым нумалше Симеон ачана, тый ир мландыште илыше, капет дене Суксо гай да чудым ыштыше лийынат. Пўтым кучен, йўд-кече кумалын, молитвам лудын, пылпомышысо суапым налынат. Тый черле-влакым да тый декет

ўшанен толшо-влакын чоңыштым эмлет. Тыланет пенгыдылыкым Пуышылан чап, тыйым венец дене Сöрастарышылан чап, тыйын гоч чылаштлан пареммашым Кондышылан чап лийже.

Кондак, глас 2

Преподобный ачана, кўшылсым шонен, мландымбалысе деч корангынат, кў менгым пылпомышыш савыренат, сандене чудо-влакын ўжарашт дене волгалтынат да мемнан верч Христос Юмым чарныде сөрвалет.

Величание

Поро пиалан улметым моктена, Юмылан йöрышö Симеон ачана, тыйым пагален шарнена, вет тый монах-влакым виктарыше да суксо-влак дене мутланыше улат.

27/7 Третье обретение главы Предтечи и Крестителя Господня Иоанна (около 850).

Тропарь, глас 4

Христос ончыч Толшо пророк Иоанн, мландышке шылтыме тыйын вуетым Христос мыланна Юмын поянлыкше гай почын. Тидлан верч куанен погынена да мемнам пытымашна гыч тыйын сөрвалыметлан көра Утарыше Юмым моктен мурена.

Кондак, глас 6

Тўнялан Юмын волгыдыжым пуышо менге, кечын волгыдыжо, Христос ончыч Толшо пророк, волгыдым шарыше шке Божественный вуетым тўня тўр марте ончыктенат, ўшан дене кумалше-влакым тудо святитла, да нуно мурат: Христосым Тынеш пуртышо кугу ушан Иоанн, мемнам чыланнам утаре.

Величание

Моктена тыйым, моктена, Утарышым Тынеш пуртышо Иоанн, тыйын чот пагалыме вуетым мумо кечым моктена.

26/8 Апостолов от 70-ти Карпа и Алфея (I).

№37 Тропарь, глас 3

Святой апостол Карп, мемнан чонлан сулык касарымашым пуыжо манын, чаманыше Юмым сөрвале.

Кондак, глас 4

Апостол Карп ачана, тый Черкылан волгыдо шўдыр гай улат, да тудо тыйын öрыктарыше пашат дене волгалтеш, тыйын нерген шарнымашым ўшан дене аралыше-влакым утаре.

Величание

Тыйым моктена, тыйым моктена, Христосын апостолжо Карп, Христосын Поро Увержым шарымет годсо орланымет ден пашатым пагален шарнена.

27/9 Обретение мощей преподобного Нила Столобенского (1667).

Тропарь, глас 4

Юмылан йöрышö Нил ачана, тый Селигер ерын отрошкыжо чот волгалтарыше волгыдо семын толынат, рвезет годымак Христосын ыресшым вачўмбакет пыштен, Тудын почеш тыршен каенат, яндарлыкет дене Юмо деке лишемынат, сандене

чудым ыштен кертмаш дене пойдаралтынат. Святой моцет кийыме
раке деке толын, алал чонна дене йодына: преподобный ачана, мемнан чоннам
утарыже манын, Христос Юмым сөрвале.

Кондак, глас 8

Юмылан йöрышö ачана, шочмо кундемым коден, ир мландыш, Селигер ерысе
отрош илаш толынат, неле илыш дене шкендым индырен, поро пашат дене ятыр
еным öрыктаренат да чудым ыштен кертмашым Христос деч налынат. Тыйым
пагалыше-влакым шарналте, да тыланет мурена: мемнан Нил ачана, куане.

Величание

Поро пиалан улметым моктена, Юмылан йöрышö Нил ачана, тыйым пагален
шарнена, вет тый монах-влакым виктарыше да суксо-влак дене мутланыше улат.

28/10 Преподобного Никиты исповедника, епископа Халкидонского (IX).

№43 Тропарь, глас 4

Вашталташ лийдыме Чынлык тыйым шке күтүэтлан ўшанымашын корныжым,
ўнышылыкын түсшым да языкыш пурыве илаш туныктышым ыштен, сандене тый
ўнышылыккет дене – күшнысым, йорлылыккет дене поянлыкым погенат. Святой
Никита ачана, мемнан чоннам утарыже манын, Христос Юмым сөрвале.

Кондак, глас 8

Юмылан йöрышö Никита ачана, пашатын волгыдыж дене волгалтын, тый
апостол престолым кучышо лийынат, Юмын чыла күштымыжым шуктен, күтүэтым
кече семын волгалтаренат, сандене тылат мурена: Халкидон мландын ўяндышыже,
куане.

Величание

Тыйым моктена, тыйым моктена, святитель Никита ачана, тыйым пагален
шарнена, вет тый мемнан верч Христос Юмынам сөрвалет.

29/11 Преподобномученицы Феодосии девы, Цареградской (730).

Тропарь, глас 4

Орланыше Феодосиа авана, поро пашат дене Христосын яндар йолташыже да
Святой Шүлышын йöратыме суртшо лийынат, айдеме тукумым шыгыремдыше
тушманым вожылтаренат, порын орланен, ўшанымашын кердыж дене Копронимым
сененат да Пылпомыш Кугыжанышыш йывыртен пуренат. Ўшан дене тыйым
шарныше-влаклан кугу чаманымашым эреак йод.

Кондак, глас 2

Чот поро пиалан орланыше Феодосиа, тый ласка илышым шкендын неле пашат
дене сулен налынат, Христос Черкын осал тушманже Копронимым шке вүрет дене
пич колтенат, кызыт Күшылсö капдыме куат-влак дене пырля куанет да тыйым
шарныше-влакым леведат.

Величание

Тыйым моктена, тыйым моктена, орлыкым чытыше Феодосиа, тыйым пагален
шарнена, вет тый мемнан верч Христос Юмынам сөрвалет.

30/12 Преподобного Исаакия исповедника, игумена обители Далматской (383).

№70 Тропарь, глас 8

Преподобный Исаакий ачана, мыланна Юмын пуымо түс тый денет түрыс
аралалтын: вет шке Ыресетым налын, тый Христос почеш каенат да, пытышаш

капым коранден, колыдымо чон верч тыршаш пашат дене туныктенат,
сандене тыйын шўлышет Суксо-влак дене пырля куана.

Кондак, глас тойже

Юмылан йўрышў преподобный Исаакий ачана, тый Христос Черке деке
пенгыде йўратымаш дене ылыжынат, Валентын вуйлатыме сапшым кученат да,
черкым петырымыжлан верч осалын кола манын, каласенат. Ынде тыйым
пагалыше-влак верч чарныде кумал.

Величание

Поро пиалан улметым моктена, Юмылан йўрышў Исаакий ачана, тыйым
пагален шарнена, вет тый монах-влакым виктарыше да суксо-влак дене мутланыше
улат.

31/13 Мученика Ермия (II).

№57 Тропарь, глас 4

Господь, Тыйын орланышет Ермий индыралтмыж верч Тый дечет, мемнан
Юмына деч, курымашлык венецым налын: орландарыше-влакым Тыйын пуымо виет
дене сўмырал шуэн да ия-влакын тептердыме ўчыштым шалатен. Тудын молитваже
дене мемнан чоннам утаре.

Кондак, глас 6

Орланыше Ермий ачана, тый Христос почеш каенат, чот шонгеммешке
лўддымў лийынат, закондымо ен-шамычын осалыштым Христосын куатше дене
чактаренат, юзо-шамычын йўктымў вўдышт тыйым пытарен огыл, вет тый манынат:
Юмо мый денем гын, мыйым нигў огеш сене.

Величание

Тыйым моктена, тыйым моктена, святой орланыше Ермий, да Христос верч
орланыметым пагален шарнена.

1/14 Мученика Иустина Философа (166).

№57 Тропарь, глас 4

Господь, Тыйын орланышет Иустин индыралтмыж верч Тый дечет, мемнан
Юмына деч, курымашлык венецым налын: орландарыше-влакым Тыйын пуымо виет
дене сўмырал шуэн да ия-влакын тептердыме ўчыштым шалатен. Тудын молитваже
дене мемнан чоннам утаре.

Кондак, глас 2

Иустин ачана, Юмын пуымо ушан мутет дене Юмын Черке сўрастаралтын да
иышетын волгыдыж дене тўням волгалтара. Вўретым йоктарымет дене венецым
налынат, Христос ончылно суксо-влак дене пырля шогымет годым мемнан верчат
чарныде кумал.

Величание

Тыйым моктена, тыйым моктена, святой орланыше Иустин, да Христос верч
орланыметым пагален шарнена.

2/15 Святителя Никифора Исповедника, патриарха Константинопольского (828).

№43 Тропарь, глас 4

Вашталташ лийдыме Чынлык тыйым шке күтүэтлан ўшанымашын корныжым, ўнғышылыкын тўсшым да языкыш пурыде илаш туныктышым ыштен, сандене тый ўнғышылыкет дене – кўшнысым, йорлылыкет дене поянлыкым погенат. Святой Никифор ачана, мемнан чоннам утарыже манын, Христос Юмым сөрвале.

Кондак, глас тойже

Кава гыч сенгымаш венецым Юмо деч налше чот моктымо Никифор ачана, Христосын священникше-влакым вуйлатыше да туныктышо, тыйым ўшан дене шарныше-влакым утаре.

Величание

Тыйым моктена, тыйым моктена, святитель Никифор ачана, тыйым пагален шарнена, вет тый мемнан верч Христос Юмынам сөрвалет.

3/16 Мучеников Лукиллиана, Клавдия, Ипатия, Павла, Дионисия и Павлы девы (ок.270-275).

№60 Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: орландарыше-влакым Тыйын пуымо виет дене сўмырал шуэныт да ия-влакын тептердыме ўчыштым шалатеныт. Нунын молитвашт дене мемнан чоннам утаре.

№62 Кондак, глас 2

Юмын орланышыже-влак, волгыдын волгалтарыше лийын, өрыктарыше пашада дене чыла чонаным волгалтареда, черым паремден да пич пычкемышым поктен колтен, мемнан верч Христос Юмым чарныде сөрвалыза.

Величание

Тендам моктена, тендам моктена, Христосын орланышыже-влак: Лукиллиан ден Клавдий, Ипатий ден Павел, Дионисий да Павла ўдыр, да Христос верч орланымыдам пагален шарнена.

4/17 Святителя Митрофана, патриарха Константинопольского (ок.326).

№43 Тропарь, глас 4

Вашталташ лийдыме Чынлык тыйым шке күтүэтлан ўшанымашын корныжым, ўнғышылыкын тўсшым да языкыш пурыде илаш туныктышым ыштен, сандене тый ўнғышылыкет дене – кўшнысым, йорлылыкет дене поянлыкым погенат. Святой Митрофан ачана, мемнан чоннам утарыже манын, Христос Юмым сөрвале.

Кондак, глас 2

Митрофан ачана, тый Христослан ўшанымашым раш умылтаренат, тудым шуктен, ўшанле күтүэтым шукемден куштенат, ынде мемнан верч Христослан чарныде кумалат да суксо-влак дене пырля куанет.

Величание

Тыйым моктена, тыйым моктена, святитель Митрофан ачана, тыйым пагален шарнена, вет тый мемнан верч Христос Юмынам сөрвалет.

5/18 Священномученика Дорофея, епископа Тирского (ок.362).

№64 Тропарь, глас 4

Юмылан йӧрышӧ священномученик Дорофей, койыш-шоктышет дене апостол да нунын престолыштым кучышо лийынат, пашат дене ужмаш кӱкшытыш шуынат, сандене мутын чынжым раш увертарен, ўшанымаш верч вӱр марте орланенат. Мемнан чоннам утарыже манын, Христос Юмым сӧрвалe.

Ин тропарь, глас 5

Священный орланыше Дорофей ачана, кӱчызӧ-влакым йӧратымаш дене пойдаралтын, пӱтым кучымын чаманымашыжым йырет шарен, Пылпомыш Кугыжаныште куанаш йӧрышӧ лийынат, шке кӱтӱэт верч орланымым чытен, апостол тӱшкаш пуренат, мемнан чоннам утарыже манын, Христос Юмым сӧрвалe.

Кондак, глас 5

Поро пиалан Дорофей ачана, поро пашат, Юмын туныктымьжо да орлыкым чытымет дене кече дечат чот волгалтын, мландым сотемдаренат, шуко тӱрлӧ юмылан кумалмым да осал туныктымашым пытаренат, сандене тыйым порын шарнена.

Величание

Тыйым моктена, тыйым моктена, священномученик Дорофей, тыйым пагален шарнена, вет тый мемнан верч Христос Юмынам сӧрвалет.

6/19 Преподобного Виссариона, чудотворца Египетского (IV-V).

№46 Тропарь, глас 4

Мемнан ачана-шамычын Юмыжо, мемнан шке ўнышылыкет дене кучен ашныше, шке чаманымашетым мемнан деч ит коранде, святой-шамычын кумалмышт дене илышнам тынысын викаре.

Кондак, глас 2

Юмылан йӧрышӧ Виссарион ачана, кӱшылсӧ куат-влак гай лийын, кайык семын иленат, жаплан пуымым коден, Христос Кугыжан пылпомышысо порылыкшо деке шуаш тыршен, Тудын деке шуынат, ынде мемнан верчат чарныде кумал.

Величание

Поро пиалан улметым моктена, Юмылан йӧрышӧ Виссарион ачана, тыйым пагален шарнена, вет тый монах-влакым викарыше да суксо-влак дене мутланыше улат.

7/20 Мученика Феодота Анкирского (303).

№64 Тропарь, глас 4

Юмылан йӧрышӧ священномученик Феодот, койыш-шоктышет дене апостол да нунын престолыштым кучышо лийынат, пашат дене ужмаш кӱкшытыш шуынат, сандене мутын чынжым раш увертарен, ўшанымаш верч вӱр марте орланенат. Мемнан чоннам утарыже манын, Христос Юмым сӧрвалe.

№65 Кондак, глас 4

Юмын пуымо ушан Феодот ачана, святитель саныште алал кумылын служитлен, орланымаш корным эртен, тый идоллан надырым пуымым пытаренат да шке кӱтӱэтым аралыше лийынат, сандене тыйым пагален, ўшан дене шып йодына: шке кумалмет дене мемнам ойго гыч эре утаре.

№66 Величание

Тыйым моктена, тыйым моктена, священномученик Феодот, тыйым пагален шарнена, вет тый мемнан верч Христос Юмынам сөрвалет.

8/21 Великомученика Феодора Стратилата (319).

Тропарь, глас 4

Лишыл ең деч орлыкым чытыше Феодор ачана, Пылпомышысо Кугыжан чын сарзыже-влакын поро воеводыжо, ўшанымашын саркуралже дене моштен вуйлатен, ия тўшкам чактарен, сенгымашым кондышо орланыше лийынат, сандене тыйым ўшан дене моктена.

Кондак, глас 2

Чонетын лўддымылыкшө дене ўшанымаште пентгыдемынат, Юмын мутшым кидышкет умдо семын налын, тушманым сененат да орланыше-влак коклаште кугурак лийынат, ынде Христос Юмым мемнан верч нунын дене пырля чарныде сөрвале.

Величание

Тыйым моктена, тыйым моктена, святой орланыше Феодор, да Христос верч орланыметым пагален шарнена.

9/22 Святителя Кирилла, архиепископа

Александрийского (444).

№91 Тропарь, глас 8

Чын Ўшанымашке виктарыше, поро койыш-шоктышлан да яндарлыкклан туныктышо, сандалыкын волгыдыжо, архиерей-влакын Юмын пуымо сылнылыкше, кугу уш-акылан Кирилл, шўм-чонын семўзгарже, тый туныктымашет дене чыла волгалтаренат, мемнан чоннам утарыже манын, Христос Юмым сөрвале.

Кондак, глас 6

Поро пиалан преподобный Кирилл ачана, Юмо нерген шинчымаш келгытым тый мыланна Утарышын памашыж гыч пуэнат, тудо шояк туныктымашым сенга да күтўэтым чыла ойго деч утара. Юмын куатшым ончыктен, тый тўрлө калыклан туныктышо лийынат.

Величание

Тыйым моктена, тыйым моктена, святитель Кирилл ачана, тыйым пагален шарнена, вет тый мемнан верч Христос Юмынам сөрвалет.

10/23 Обретение мощей святителя Василия, епископа Рязанского (1609).

Тропарь, глас 4

Святитель Василий ачана, арамак поктен колтымышт деч ончыч тый Муромын святительже лийынат, мантийым шарен, вўд ўмбач пуш дене кайыме семын капдыме куат гай өрыктарышын куштылгын каенат, Кўшылсө Юмын эрыкше да Юмын Аван арален виктарымыже дене Юмын утарыме Рязань олаш миен шуын,ат да, архиерейын престолжылан йөрен, Юмын пуымо күтўэтым порын арален ашненат, мемнан чоннам утарыже манын, Христос Юмым сөрвале.

Кондак, глас 8

Святитель Василий ачана, Муром олаште волгыдо шўдыр семын волгалтын, вўд дене Рязань марте шуынат, шке туныктымат да илышет дене ең-влакым волгалтарен, Юмын Черкыжым порын аралет. Ынде шочшет-влакымат шарналте да

нунын верч Христос Юмым да Тудын Аважым сөрвалe. Алал чонна дене тыйым йодына: Христослан йөрышо да мемнан верч кумалше поро туныктышына, куане.

Величание

Тыйым моктена, тыйым моктена, святитель Василий ачана, тыйым пагален шарнена, вет тый мемнан верч Христос Юмынам сөрвалет.

11/24 Апостолов Варфоломея и Варнавы (I).

№40 Тропарь, глас 3

Святой Варфоломей ден Варнава апостол-влак, мемнан чонлан сулык касарымашым пуыжо манын, чаманыше Юмым сөрвалыза.

Кондак апостолу Варфоломею, глас 4

Господын апостолжо Варфоломей, туныктымашын волгыдыжо да лүдыкшö чудо-влак дене тый сандалыклан кугу кече семын толынат да тыйым пагалыше-влакым волгыдыш нангает.

Кондак апостолу Варнаве, глас 3

Варнава ачана, Господьлан чын служитлен, шымле апостол-влак кокла гыч икымше лийынат, Утарыше Христос нерген тый Павел дене пырля каласкаленат да чылаштым волгалтаренат, сандене тыйым Божественный муро дене шарнена.

№42 Величание

Тендам моктена, тендам моктена, святой апостол-влак Варфоломей ден Варнава, шке туныктымыда дене уло тўням волгалтарен, тўнян чыла ужашыжым Христос деке конденда.

12/25 Преподобного Онуфрия Великого (IV).

Тропарь, глас 1

Юмын пуымо ушан Онуфрий, шўлышетын ўжмыж почеш ир мландыш каен, тушто пророк Илия да Иоанн Креститель семын суксо гай шуко ий тыршенат, суксын кидше гыч Юмын Пырчесым налынат, кызытат нунын дене пырля Святой Троицын волгыдыштыжо йывыртет, тыйым пагален шарныше-влакын утаралтмышт верч Тудым сөрвалe.

Кондак, глас 3

Юмын пуымо ушан, поро пиалан преподобный ачана, Эн Святой Шўлышын волгыдыж дене волгадтын, мландымбалсе илышым коден, ир мландыш каенат да Чыла Пўрышö Юмым куандаренат, сандене Кугу Порылыкым Пуышо Христос тыйым чапландара.

Величание

Поро пиалан улметым моктена, Юмылан йөрышö Онуфрий ачана, тыйым пагален шарнена, вет тый монах-влакым виктарыше да суксо-влак дене мутланыше улат.

13/26 Мученицы Акилины (293).

№76 Тропарь, глас 4

Иисус, Тыйын Акилина пачат кугу йўкын ўжеш: Качем, Тыйым йөратем, Тыйым кычалын орланем да пудалалтам, Тыйын пуымо Тынеш пурымаште тоялтам,

Тый денет ушнымаште кугьжалана ш манын, Тылат верч орлыкым чытем, да
Тый денет пырля илаш манын, Тыланет верч колем, Тыланет йөрәтен кондымо
яндар надыр семын мыйым нал. Тудын сөрвалымыж дене, Чаманыше Юмо, мемнан
чоннам утаре.

Кондак, глас 2

Чот пагалыме Акилина, нарашталыкетын порылыкшо дене чонетым эрыктен,
орланымашет дене күкшытыш күзенат, Христос Качетым йөрәтәмет верч
индыралтын, кызыт Тудын ончылно суксо-влак түшкаште куанен шоget, нунын дене
пырля мемнан верчат кумал.

Величание

Тыйым моктена, тыйым моктена, Христосын Акилина орланышыже, да
Христос верч орланыметым пагален шарнена.

14/27 Пророка Елисея (IX в. до Р.Х.).

Тропарь, глас 4

Моктымо Илия, кап дене суксо, пророк-влакын негызышт, Христос толшаш
деч ончыч кокымшо Предтече, черле-влакым паремдаш да проказе черым эрыкташ
Елисей пророклан күшычын порылыкым колтен да тудым жаплыше-влаклан
пареммашым пуа.

Кондак, глас 2

Поро пиалан Елисей, тый Юмын пророкшо лийынат, шке күкшытетлан
келшышын кок пачаш шуко порылыкым налынат, Илия дене пырля иленат. Христос
Юмым тудын дене пырля мемнан верч чарныде сөрвале.

Величание

Тыйым моктена, тыйым моктена, Юмын пророкшо Елисей, тыйым пагален
шарнена, вет тый мемнан верч Христос Юмынам сөрвалет.

**15/28 Святителя Ионы, митрополита Московского и
всёя России, чудотворца (1461).**

Тропарь, глас 4

Святитель Иона ачана, самырык годсекак чыла ўшанетым Господьлан
пыштенат, молитвам лудын, чот тыршен, пүтым кучен порын иленат.
Порылыкетым ужын, Юмо тыйым Шке Черкыжын күтүчыжлан да архиерейжылан
ойырен, сандене колымекет тыйын яндар капет тичмашак аралалтеш, мемнан
чоннам утарыже манын, Христос Юмым сөрвале.

Кондак, глас 8

Изиет годымак шкендым Господьлан пуэнат, пүтым кучен, молитвам йүд-кече
лудын, капетым сорлыклен, Эн Святой Троицылан йөрышө сурт да яндар ате
лийынат, сандене Юмо тыйым Шке Черкыжын күтүчыжлан да архиерейжылан
шогалтен. Господьым йөрәтен, Тудын деке кайымет марте Черкым порын араленат.
Тыйым шарныше-влакым ит мондо, да тыйым сөрвалена: чот пагалыме да кугу ушан
святитель Иона ачана, куане.

Величание

Тыйым моктена, тыйым моктена, святитель Иона ачана, тыйым пагален
шарнена, вет тый мемнан верч Христос Юмынам сөрвалет.

16/29 Святителя Тихона, епископа Амафунтского (425).

Тропарь, глас 1

Кӧргыштет Юмым нумалше Тихон ачана, тый ир мландыште илыше, капет дене Суксо гай да чудым ыштыше лийынат. Пүтым кучен, йӱд-кече кумалын, молитвам лудын, пылпомышысо суапым налынат. Тый черле-влакым да тый декет ўшанен толшо-влакын чоныштым эмлет. Тыланет пенгыдылыкым Пуышылан чап, тыйым венец дене Сӧрастарышылан чап, тыйын гоч чылаштлан паремашым Кондышылан чап лийже.

Кондак, глас 3

Поро пиалан святой Тихон ачана, Юмылан йӧрышын пүтым кучен, идол-влакын шояштым сӱмырал шуаш, ен-влакым утараш, ия-шамычым поктен колташ, черым паремдаш тый кӱшычын Лыпландарыше Юмын вийжым налынат, сандене тыйым Юмын йолташыжлан шотлен пагалена.

Величание

Тыйым моктена, тыйым моктена, святитель Тихон ачана, тыйым пагален шарнена, вет тый мемнан верч Христос Юмынам сӧрвалет.

17/30 Мучеников Мануила, Савела и Исмаила (362).

№60 Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: орландарыше-влакым Тыйын пуымо виет дене сӱмырал шуэныт да ия-влакын тептердыме ўчыштым шалатеныт. Нунын молитвашт дене мемнан чоннам утаре.

Кондак, глас 3

Чот поро пиалан ачана-влак, Христослан ўшанымаш дене пенгыдемын, Тудын чашыж гыч шке кумылын йӱын, перс-влакын шояк ўшаныштым да осалыштым мландымбаке сӱмыралында, те Святой Троице семянак кумытын улыда, мемнан верч Юмым сӧрваледа.

Величание

Тендам моктена, тендам моктена, Христосын орланышыже-влак Мануил, Савел ден Исмаил, да Христос верч орланымыдам пагален шарнена.